

Ich bi Walliser

Ich bi en Schwizerbürger, ja en rächte Eidgenoss
und miini Heimatliebi, ja die isch ganz riesugross.
Doch ich bi jetz ganz ehrlich und erklärü darum hie:
In eerschter Linia bin ich nit en Schwizer sondern hie
Nei ich bi Walliser, ich bi en Walliser
Ich bi kei Schwizer, sondern bi en Walliser!
Wier hei die schönschtu Bärga und die wäägschtu Gletscher öi.
Im ganzu Wallis findusch dü nit ei leidi Fröi.
Nur flotti starchi Männer heint im Wallis eppis z'tüe.
Ier chennt mer riewig glöibu, ich keeru schliessli sälsch derzüe.
Ja ich bi Walliser, ich bi en Walliser.

Ich bi en flotte, starche, hibsche Walliser!

REFR:

Ja wier Walliser si stolz
Wier sii us güetum Holz
Jede Schwizer isch so froh,
dass 1815 d'Schwiz zum Wallis isch cho!
Ich triichu gärü Fendant und natiirli öi Goron,
bi Fän vam HC Sieders und nit va Gotteron.
Deheimu holt der FC Sittu en Punkt uf jede Fall,
drum briell ich „Allez Sion!“ bi jedum Cup-Final,
denn ich bi Walliser, ich bi en Walliser
ich tschuttu hie im Wallis und bi Walliser!
Im Wallis chrampfusch gärü, wier sii schaffigi Lit
das isch der Grund warum's hie fasch kei Arbeitslosi git.
In d'Üsserschwiz ga schaffu, das fällt iisch nit i
statt en Walliser stelluntsch da grad zwei Üsserschwizer i
doch ich bi Walliser, ich bi en Walliser,
ich chrampfu hie im Wallis und bi Walliser!

REFR:

Ich bin Walliserⁱ

Ich bin ein Schweizerbürger, ja ein aufrechter Eidgenoss
Und meine Heimatliebe, ja die ist ganz riesengross.
Doch ich bin jetzt ganz ehrlich und erklär' darum hier:
In erster Linie bin nicht ein Schweizer, sondern hier
Nein ich bin Walliser, ich bin ein Walliser
Ich bin kein Schweizer, sondern Walliser!
Wir haben die schönsten Berge und hübschesten Gletscher auch
Im ganzen Wallis findest du nicht eine hässliche Frau.
Nur flotte starke Männer haben im Wallis etwas zu suchen.
Ihr könnt mir ruhig glauben, ich gehöre schliesslich selbst dazu.
Ja ich bin Walliser, ich bin ein Walliser.

Ich bin ein flotter, starker, hübscher Walliser!

REFR.

Ja wir Walliser sind stolz
Wir sind aus gutem Holz
Jeder Schweizer ist so froh,
dass 1815 die Schweiz zum Wallis ist gekommen.
Ich trinke gerne Fendant und natürlich auch Goronⁱⁱ
bin Fan vom HC Sieders und nicht von Gotteron.
zu Hause holt der FC Sitten einen Punkt auf jeden Fall,
darum ruf ich „Allez Sion!“ bei jedem Cup-Final,
denn ich bin ein Walliser
ich tschutte hier im Wallis und bin Walliser!
Im Wallis krampfen sie gern, wir sind arbeitsame Leute
das ist der Grund warum es hier fast keine Arbeitslos gibt!
In der Ausserschweizⁱⁱⁱ arbeiten gehen, das fällt uns nicht ein
anstatt eines Wallisers, stellen sie dort zwei Ausserschweizer ein
doch ich bin Walliser, ich bin ein Walliser,
ich arbeite hier im Wallis und bin Walliser

REFR.

Ja wier Walliser sii stolz
wier sii us güetum Holz
öi der Bundesrat isch so froh
dass 1815 d'Schwiz zum Wallis isch cho!
Ja luschtig sii und fröhlich sii das ligt iisch im Blüet
wier zeige jedum Grüezi wie mu richtig fäschtu tüet.
Ob Schnaps, ob Bier ob Wii, äs git nix was iisch fählt
Wier Walliser chäme scho mit Promill uf d'Wält
Ja ich bi Walliser, ich bi en Walliser,
ich süffu hie im Wallis und bi Walliser!
Doch will ich uf Papier en rächte Bärner bi.
Seit mu hientamal, das ich es Grüezi sii.
Doch die wa immer flüechunt uber d'Grüezini
das sind doch sicher nummu flääti Mämmi!
Doch das sind Walliser, öi das sind Walliser
ich wohnu hie im Wallis und bi Walliser!
- immal fascht!-

Ja wir Walliser sind stolz
Wir sind aus gutem Holz
uch der Bundesrat ist so froh
dass 1815 die Schweiz zum Wallis ist gekommen
Ja lustig sein und fröhlich sein das liegt uns im Blut
wir zeigen jedem Grüezi^{iv} wie man richtig festet
Ob Schnaps, ob Bier ob Wein, es gibt nichts was uns fehlt
Wir Walliser kommen schon mit Promille^v auf die Welt
Ja ich bin ein Walliser, ich bin ein Walliser
ich saufe hier im Wallis und bin Walliser!
Doch will ich auf Papier ein richtiger Berner bin^{vi}.
Sagt man manches Mal, dass ich ein „Grüezi“ sei.
Doch die, die immer fluchen über die „Grüezini“
das sind doch sicher nur lauter Kinder^{vii}
Doch das sind Walliser, auch das sind Walliser
Ich wohne hier im Wallis und bin Walliser
- immerhin fast!-

ⁱ Übersetzung ins Hochdeutsche: Volmar Schmid; Schreibweise und Zeichensetzung wurden ohne Veränderung aus dem Text im Internet (<https://www.zhansruedi.ch/ich-bi-walliser-text/>) übernommen.

ⁱⁱ Goron ist ein Walliser Wein, eine (minderwertige) Mischung aus Pinot-Noir und Gamay, also ein zweitklassiger Dole

ⁱⁱⁱ Üsserschwiizer = Ausserschweizer werden von den Oberwalliser alle Deutschschweizer genannt, die Romands sind d Wälschu!

^{iv} Grüezi- vom deutschschweizer Gruss, „Grüezi = Ich grüss euch“ wird als Übername für die die Deutschschweizer gebraucht

^v Was im Wallis als ein «normaler» Alkoholkonsum gilt, ist bei den Deutschschweizer schon Alkoholismus

^{vi} Hansrüedi Zbinden; die Familie Zbinden stammt ursprünglich aus dem Kanton Bern

^{vii} „Mämmi“ = Kleinkind, wird als Schimpfwort für kindhaftes, kleinliches Verhalten benutzt